



UPA 2016/122

Tillie Martinussen

Matumuuna Inatsisartut aalajangiiiffigisassaannik siunnersuuteqarpunga, Naalakkersuisut peqquneqassasut kingusinnerpaamik juni 2016-p ingerlanerani Inatsisartuni partiit isumaqatigiinniareerlugit saqqummiutissagaat, innuttaasut inuunermut ulorianaaateqarsinnaasunik nappaateqartunut ilaquaasut 2017-miit danmarkimi napparsimasut angerlarsimaffianni akeqanngitsumik najugaqarsinnaanissaannut aqqtissiuussissallutik.

(Inatsisartunut ilaasortaq Mimi Karlsen, Inuit Ataqatigiit)

(Siullermeerineq)

Demokraatin siunnersuut qujassutigaarput, nersortariaqarmat aamma ujartorneqarmat innuttaasut napparsimasut immikkut eqqarsaatigineqassaasut.

Asseqanngitsumik naalliunnarpoq uninngatitaalluni perulunneq pissutigalugu aamma qanigisaalluni tassunga. Aammali taama annilaanganartigaaq nunami takornartami imaluunniit illoqarfimmi takornartami nakorsiarnissaq, sivisuumik uninnganissaq ilaalu ilanngullugit. Isumaqarpunga nunatsinni inuppassuit misilissimassagaat qanigisaminnik napparsimasumik ikiuisimassasut imaluunniit toqukkut peeruttoqarnerani piareersaasimasunik.

Misigisaq artornartuuvoq aamma perululluni annilaanganartupilussuuvoq. Taamatut misigisaqarnerup nalaani kisimiinneq aamma napparsimanertulli ajortigaaq.

Peqataanilli Naalakkersuisut siunnersuutip oqaasertalernerata allannguutissaanik siunnersuuteqarmata aamma paasisinnaalluarpagut, ullumikkut nalunngereeratsigu Peqqinnissaqarfip iluani aningaasartuutit amerleriarujussuarsinnaasut napparsimasorpassuit nunanut allanut angallattariaqartarmata, soorlu angallakkasuarneqartarmata soorlu qulimiguulimmik imaluunniit Dronning Ingridip Napparsimavissuanut imaluunniit Danmarkimut. Imaluunniit immikkut ittumik nakorsaasersuisoqartariaqarsinnaavoq akisuupilussuarmik.

Kalaallit Nunaanni nakorsaatinut missingersuutit ullumikkut atorneqartarput nakorsaatinut assigiinngitsunut marlunnut-pingasunut.

Tamatumani pissutaapput nunarsuarmi akigititaasut uangut aquassinnaanngisagut.

Peqataanik nassuerutigisariaqarparput Peqqinnissaqarfimmi ulluinnarni kiffartuussineq ajornartorsiorfiummat sualummik napparsimavinni annerni aamma nittartakkami doktor.gl - imi. Imaanngilaq Peqqinnissaqarfik ilungersunngimmat malinnaajumalluni pissutaallutilli atukkat imaannaanngitsut.



Aningaasat ikippallaarput suliassanut amerlavallaanut, ilinniarsimasut ikippallaarput maaniiginnartinnissaannut, akissarsianut immikkoortitat aningaasat ikippallaarput unammillersinnaanissatsinnut, siniffiit ikippallaarput ataqquinartumik uninngasinnaanissamut, tarnikkut napparsimasunut immikkoortumi immikkut ilinniarsimasut ikippallaarput aamma immikkoortuni allani immikkut ilisimasalinnik amigaateqarpugut aamma ilaatigut ajornartorsiutaavoq sulisussarsiortarneq sulisooreersunillu maaniiginnartitsinissaq.

Demokraatini ernummatigaarput qitiusumik kiffartuussinermit aningaasanik tigusisariaqalersinnaanerput - tassa uninngasut qularnaarnissaat, napparsimasut, eqqortumik katsorsaanissaq napparsimasunut ingiallorqeartitsisarneq pillugu inatsimmi akuersineq aqutigalugu, silittumik nassuaateqartinneqanngippat kikkut sumut atatillugu qinnuteqarsinnaanersut.

Artorsarluta mianersoqqusinerput oqaatigaarput.

Uangut partiitsinni ilaasortat arlaqarluta ilisimalluaqaarput perululluni napparsimaneq imaluunniit qanigisanik peruluttunik napparsimasoorneq. Soorlu aamma inimi maani allat tamanna misigisimassagaat. Taamaakkaluartoq misigisimavugut pisarput saqqummiuttariaqarlugu, ernummatigigatsigu peqqinnissaqarfitta aningaasassaqarpiannngereersup artukkerujussuarnissaa. Immaqalu aamma innuttaasut napparsimasut eqqorneqarsinnaammata.

Danmarkimi imaluunniit maani Nuummi napparsimasut inaanni inunnut 30-35-nut amerlanerusunut nerisassiortalernissaq aningaasartuutit annersarigunanngilaat, aamma akissaqarunik - akissaqarallartillutilu - napparsimasut inaanni qanigisatik ilagalugit unnuisarsinnaapput, kisiannili peqataanik paasinarpooq napparsimasut inaat aningaasanik amerlanerusunik pisariaqartitsilissammata qanigisaasut namminneq akiliisassannngippata, ullumikkut.

Init akisupput, immaqa Danmarkimi napparsimasut inaat allamut nooqatigisariaqassaaq? Napparsimasut inaanni periarfissat annertusiumallugit. Sulisut ullumikkut artorsarmata. Suleqatigiittooqarsinnaannginnerluni soorlu Savalimmiut aamma Danmarkimi kalaallit napparsimasut inaata akornanni?

Siunnersuut sulisut qanoq isumaqarfigaat? Peqqinnissaqarfik qanoq isumaqarpa?

Naalakkersuisut allannguutissamik siunnersuuteqarput, tamanna itisileqqugaluarparput; sooq 2 mio. koruunerpiat aamma taakku suminngaanniit aaneqassappat?

Ilumut, qulequttap oqallisiginerani imaannaanngilaq, misigissutsit akooqimmata.

Kisianni nassuaat inniminnerneqarnikuuvoq naammassineqarlunilu 2011-mi, napparsimalernissamut sillimmasiisarneq pillugu imaluunniit peqqissutsimut sillimmasiisarneq



aamma napparsimasut ingiallorneqartalernissaat pillugu, tassani nassuiaammi erserpoq aaqqissuussineq annertusineqassagaluarpat immikkut 100 mio. koruuninik akeqarsinnaalluartoq.

Kisitsisinik tikkuaalaarutta; taava oqarsinnaavugut napparsimasut ukiumut 4.500-t katsorsartikkiartortartut namminneq inissaqaratik. Taakku ilaat 800 ullumikkut aaqqissuussinerit atuuttut naapertorlugit ingiallorqeinqarsinnaapput.

Inuuusuttut 18-t inorlugit pinngitsooratik ingiallorqeinqartussaapput, siornatigut meeqqat 12-t inorlugit ukiullit imaluunniit inuuusuttut 15-t inorlugit ukiullit ingiallorqeinqarsinnaatitaanikuupput.

Uninnganeq agguaqatigiisillugu ullunik qulinik sivisussuseqarpoq, inuillu 3.700-t ullumikkut ingiallorqeinqarsinnaatitaanngitsut tunngavigigaanni, taava ulluni 37.000-ni uninngasussaassapput, bilittimut aningaasartuutit agguaqatigiisillugu 9.900 koruuneqarput, nerisaqarneq ullormut 190 koruuninik akeqarpoq, uninngagaanni 370 koruunit missaanni, taamaasilluni akisoorujussuanngussaaq.

Aamma kiap aalajangissavaa kina perululluni napparsimasoq? Taavami perulukkunnaarpata, taava ullut uninngaviusut matussuserneqarsinnaajunnaassapput taava imaasinnaavoq napparsimasoq imaassinnaavoq uninngaannartoq.

Allatut oqaatigalugu 2011-mi tagginneqarpoq innuttaasut ataasiakkaarlutik tamarmik immikkut 202 koruuninik qaammammut akiliisassasut aaqqissuussineq taama ittoq piviusunngortinnejassappat.

Aamma isumaqarpugut immaqa annertunerusumik innuttaasut oqaluttuuttariaqarigut sillimmasertariaqartut ajortumik inisisimaleqququnagit ullut arlaanni ikiortariaqalissagaluarpat.

Taamatut oqaaseqarluta siunnersuut manna Ilaqutariinnermut Peqqissutsimullu Ataatsimiitaliamut ingerlateqqipparput oqallisigisassanngorlugu.

Qujanaq oqaaseqarama.